

Bosna i Hercegovina

Federacija Bosne i Hercegovine

Dom naroda Parlamenta FBiH

Delegat Anes Osmanović

Sarajevo, 23.04.2017.g.

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primijeno:	24-04-2017		
Org. jed.	Broj	Priloga	Vrijednost
02 - 02 -	149	116	10x

n/r predsjedavajuća Doma naroda Parlamenta FBiH Lidija Bradara

Na osnovu člana 177. Poslovnika o radu Doma naroda Parlamenta FBiH u predviđenom roku podnosim Amandmane na **PRIJEDLOG ZAKONA O IGRAMA NA SREĆU**

član 8.a - Društvena odgovornost - koji glasi:

Priredivanje igara na sreću mora biti društveno odgovorno i usmereno ka zaštiti maloljetnika, prevenciji bolesti ovisnosti kod učesnika u igrama na sreću i ka zaštiti podataka o ličnosti učesnika u igrama na sreću.

Priređivači su dužni da na najefikasniji način sprovode zabranu učestvovanja maloljetnih lica u igrama na sreću.

Svi zaposleni kod priređivača igara na sreću koji imaju direktan kontakt sa učesnicima u igrama na sreću, prije stupanja na rad moraju biti osposobljeni za preventivno djelovanje protiv bolesti ovisnosti prema učesnicima u igrama na sreću.

U slučaju priređivanja igara na sreću preko sredstava elektronske komunikacije, zaposlenima u smislu stava 3. ovog člana smatraju se zaposleni koji imaju kontakt sa učesnicima u igrama na sreću (npr. korisnički servis).

Obaveza je svakog priređivača da unutar objekta u kome priređuje igre na sreću u neposrednoj blizini ulaznih vrata istakne poster veličine 1,00 x 0,8 metara, na kojem se nalazi odgovarajući tekst o prevenciji bolesti ovisnosti, kao i kontakt podaci ustanove koju je odredilo ministarstvo nadležno za poslove zdravlja i za liječenje bolesti zavisnosti od igara na sreću. Kada se igre na sreću priređuju u kioscima i malim uplatnim mjestima, poster veličine 0,5 x 0,4 metara ističe se na spoljnoj strani kioska.

Na svakom pultu ili šalteru preko kojeg se registruje učestvovanje u igrama na sreću mora postojati brošura-flajer sa podacima navedenim u stavu 5. ovog člana.

Ministarstvo zdravstva FBiH propisuje izgled i sadržinu prospekata iz stava 5. ovog člana kao i organiziranje educiranja i osposobljavanja i certifikiranja zaposlenih kod priređivača igara na sreću, kladionica, casina i sl.

Obrazloženje: Postojanje objekata koji priređuju igre na sreću za sobom povlači i rizike ovisnosti o istima. Ovisnost o kockanju, klađenju, igrama na sreću je veliki problem našeg društva. Malo se šta radi na prevenciji, suzbijanju i saniranju posljedica ovisnosti o igrama na sreću i kockanju općenito. Ovaj prijedlog svakako bi trebalo da upozorava i podiže razinu svijesti o postojanju ovisnosti i njenom liječenju, kao i nadležnim ustanovama kojima se može obratiti.